

Drunt am Sää !

Drunt am Sää die Papp'ln rausch'n
leis im Summer^{wind}id.

Und die Wasserhüali tauch'n
derch die Röhrlü g'schwind.

Fischli schwimma hörtli
ets zum Ufer nü.

Fröschli hopf'n lusti
übern Schilf da rü.

Wasserros'n schaukeln
mitten drin im Sää.
Und Libell'n gaukeln
drüber in d'r Häh.

Ädächslü, dia si sunna
sich im häß'n Sand.
Und viel Mückli summa
da am Wasserrand.

Ant'n , watscheln schnatternd
dert zum Sääla no.
Drosseln, fliag'n flatternd
ängstli, auf und o .

In d'r Luft a Reiher -
lautlos fliagt d'r bei,
und Er schnappt im Weiher
sich a Fischla fei.

Flimmernd liagt di Sunna
auf denn Wass'r da,
und zwä Kinner kumma
jauchz'n hall und froh.

Schmeiß'n Kiesl'steeli
übern Wasser nü
und si lach'n seli
kräus'ln Wall'n dann rü.

Und di Röhrlü wieg'n
sich im Summerwind.
Weiße Wölkli ziaag'n
derch di Luft ganz g'schwind.

Summertog und Sunna,
Licht aus Himmelshääh.
Am Ufer gelbe Blumma
und roater Polla-Kläa.

